

因遇無羈絆通玄養慧苗心神常坦坦雲水任飄飄疎散橫擔  
醪優游懶繫腰不唯身自在更得性逍遙

行道吟 勉門人

皓月照林霜華軒放彩光玉爐生寶篆金鼎釀瓊漿禮數無拘  
束平和得異常豈思為家計行道萬緣忘

三奇吟 自諭

勘破這屍骸須當救度殺直饒五馬榮難收三奇樸滌慮滅三  
彭洗心按二角人皆貴名高我獨驚超卓

證修吟 勸門人甯貼辨道

辨鉛須滅汞得汞卻生鉛證佛得無量修仙道有玄仙佛歸一

道藏輯要 洞玄金玉集上

趣道德在兩全謹謹心甯貼行持志要堅

真一吟 贈鳳翔府迎祥觀眾大師

命清得長生性靜能久視命乃氣之名性乃氣之字氣是神之  
母神是氣之子子母成真一真一脫生死

述懷吟 贈華亭居環堵靈陽子李大乘

食乞且餬口身投清淨戶四假不成真一氣堪為主能將性月  
修解把心琴撫滅盡尸與蟲免教苦中苦

日用吟 贈華亭傳燈子張大悟暨眾師兄

朝也防心动暮也防心动鍊氣做生涯願神為日用常交龍虎  
調不使馬猿弄堪為睡覺人免作夢中夢